


Երեւոյն



9

(180)
Սեպտեմբեր, 2021



ՊԱՏՈՒՀԱՆՆԵՐ, ՈՐՈՆՔ ՏԱՐԲԵՐ ԿՈՂՄԵՐԻՑ ԵՆ ԲԱՅՎՈՒՄ ՄԵԾ ԱՇԽԱՐՀԻ ՎՐԱ

քան խաղացկուն է, որ թվում է ընթերցողի հոգում խրախճանք է սկսվում, մարմինը անուշութենե խոտուտ է գալիս, ու բջիջները պարում են: Ձգացողություն կա, թե բանաստեղծուհին իր չարածճի մատներով խառնչտորում է ընթերցողի գանգուրները, անգամ եթե մարդը վաղուց ճաղատ է: Եվ վերջապես, ինչու է ափսոս Ռոզա Յովհաննիսյանի բանաստեղծական լեզվամտածողությունը. որովհետև այն անհնար է փոխանցել մեկ այլ լեզվով, սա բառ էր, որն ի սկզբանե է, ու սերունդ է Բանից, ինչը երբեմն կարող է բուրդ լինել...

ապրելու համար, թող որ տեր լինի թաղելու համար...
Կամ այլ տեղ.

Կարապետ, ձեր անմեղությունը պաշտում եմ ավելի եվ չեմ հավատում, որ մահը լինում է գեղեցիկ...

Նրա պոեզիան ընդմիջտ է, մնայուն, քանզի ամեն ընթերցողի և ամեն ընթերցման հետ կբացվի նորովի:

Արմենուհի ՄեսիթաՐՅԱՆ

Լուսինե ԱՐԱՋԱՆՅԱՆ

Միքայել ԺԱՄՅԱՐՅԱՆ - ԼԵՎԱԾ ՏԱՆ ԱՌԱՎՈՏԸ

Իրարամերժության պարաբոլա՝ վեր-վար, վեր-վար, անսպասելի անձնավորումներ, համադրումներ: Երևի թե ոչ մի այլ հեղինակի մոտ չէի հանդիպել այսքան սրված, պրկված նյարդերի գերագույն լարման:

Գրվածը պիտի որ սիրո ու զարման մասին լինի, այդպես հավաստում է վերնագիրը, բայց կարդում եմ, ու նրա տողերը կռիվ ու խռովք են ինքն իր հետ ու նաև կյանքի և նույն այդ կյանքի հանգույն էլ խճճող, շփոթեցնող, անակնկալ տրամադրությունների վայրիվերումներ:

Մի քանի անգամ վերընթերցելով փորձում եմ գտնել այնքան խորը պահած տողատակը, և արդյոք հնարավոր է հասնել դրան: Այնուամենայնիվ, երբ ուշադիր ես, գտնում ես նրա բաց տողերը. «Ես գնում եմ այն հավատով, // Որ եղա երգիչը ամայացած հերկերի և լեզուն չմոռացա...»:

Ի՞նչ դժվար է ապրել մարդը, երբ ընտրությունը մահն է: Սակայն գնում է հույսով, որ երբևէ չեն մոռանա իր հոգու ջերմությունը. «Ի՞նչ դժվար է սիրել կյանքը // գեղեցկացնելու համար, // Անծանոթ, արևածագին ես կնեռնեմ...»:

Տպավորություն է, թե «Միեռի մենախոսությունը» հենց իր դատապարտված կյանքի մենախոսությունն է.
Ողբացե՛ք ինձ, Ողբացե՛ք... Ո՞վ պիտի ողբա անմահությունս, Ո՞ւմ անծոքն է, որ պիտի ավերի այս քարերը փակ, ու եթե հողը չի կարող տանել

ԱՍՏՕՈ ԹԵՎԱԲԱՅ ԼՈՒՍԱՍՈՒՄԻ ՏԱԿ

Գագիկ Սարոյանը՝ անսովոր ու բացառիկ մտածողության տեր բանաստեղծ, հոգու ներսուզումների փետուրով գրում է իր տողը՝ շերտ առ շերտ բացելով հոգեվիճակներ, տարածության մեջ ընդարձակելով հոգու տարածությունը: Նրա ամեն բանաստեղծություն հոգու կտավ է, ուր անսովոր գունախաղով շարունակվում է սիրո դրամատիկա:

Բառերը ներքաշվում են անեղբայն տարածքներ՝ առաջ մղելով ներքին հուզականակը: «Ի՞նչն է սիրուն ես ձորերում//ծաղկած հոնի՞ն, // Թե՞ ժպիտը// Ի՞նչ սիրածի...»: Նայում է բառին, ինչպես հայելու մեջ, և տարածությունը ներկայանում է ազատ հոգեվիճակով... «Հետո շուրթը դրեց քո շուրթերին, //Տեսավ՝ զինու համ էր, // խառնված էր ծառի շվաքներին»: Բնարական հերոսը «Պարականոն» գրքում բնության պես ապրում է ազատ վարքով՝ իր բնույթի հնայքը տարածելով մտերիմ ծառերի նորաբաց ծաղիկներին: «Որքան էլ միայնակ լինի բանաստեղծը, գրում է գրականագետ Արմեն Ավանեսյանը, միևնույնն է, նա մոռացել է օտարման թեման: Նա գնում է մեկուսարան, որպեսզի ավելի սիրի մարդուն, մարդուն, ով ամեն պահի մեղանշում է: Օգտագործելով հեղինակային սիմվոլիկան ու պատկերները, բանաստեղծը ընդգծում է հոգու խորքը և ոգու ճախրը...»:

Բանաստեղծության տարածք են մտնում նաև կենսագրության տարրեր. «Ահա սարերը՝ խրամատե վիրակապով...»: Բանաստեղծը անդրադարձել է նաև գաղթի թեմային արտահայտելով հոգու մեծ ցավը. «Ո՞ր եր հեռանում//Այսպես միայնակ//Այսքան վիատված//Եվ խուճապահար...»:

Շիրակի գրական կյանքը միշտ աշխույժ է եղել և կարողացել է պահպանել ինքնատիպ սերնդայնությունը՝ մշակութային ժառանգորդման կողով: 80-ականներին գրականություն եկավ մի սերունդ, որ փորձեց կոտրել ավանդական կարծրատիպերը՝ բերելով համարձակ գրականություն:

Սեպտեմբերի 14-ին Գյումրու «Բեռլին» հյուրերի տանը «Մեկ սերունդ, երեք պատուհան» խորագրով հանդիպմանը գրասեր հասարակությունը հաղորդակցվեց այդ սերդի երեք բանաստեղծների գեղարվեստական աշխարհին:

Միքայել Ժամհարյան- «Լքված տան առավոտը»

Ռոզա Յովհաննիսյան- «Արգելակման ճառագայթում»

Գագիկ Սարոյան- «Պարականոն»

Հանդիպմանը ներկա էին ՀԳՄ նախագահ, բանաստեղծ Էդվարդ Միլիտոնյանը, որը գրական վաստակի համար մեդալներ հանձնեց Գագիկ Սարոյանին և Ռոզա Յովհաննիսյանին, իսկ Գյումրու «Բեռլին» հյուրերի տան տնօրեն, Գյումրիում Գերմանիայի պատվո հյուպատոս Ալեքսանդր Տեր-Մինասյանին տրվեց շնորհակալագիր՝ մշակույթին, ի մասնավորի հայ գրականությանը սատարելու համար:

Գրականագետ, բան. գիտ. թեկնածու Արմեն Ավանեսյանը անդրադարձավ իր խմբագրած գրքերից՝ Մ. Ժամհարյանի «Լքված տան առավոտին», ՀԳՄ Կոտայքի մարզային բաժանմունքի նախագահ, գրող Հակոբ Հարությունը՝ Ռ. Յովհաննիսյանի «Արգելակման ճառագայթումին», իսկ բանախոս՝ գրականագետ, բան. գիտ. թեկնածու Կարինե Մարտիրոսյանը՝ Գ. Սարոյանի «Պարականոն» ժողովածուին:

ՀԳՄ Շիրակի մարզային բաժանմունքի նախագահ, բանաստեղծ Անդրանիկ Կարապետյանը իր խոսքում մասնավորապես ասաց. «Այս հեղինակներից յուրաքանչյուրի հետ հանդիպումը այլ ժամանակներում ենթադրում էր Ռզու խրախճանք, բայց այսօր...»:

«Լքված տան առավոտը» վերահրատարակվել է հեղինակի

որդիների և ընկերների աջակցությամբ: Խորհրդանշական է, որ ճիշտ 30 տարի առաջ՝ մոտավորապես այս օրերին, տպագրվեց Մ. Ժամհարյանի հիմնադրած «Եղեգան փող» թերթի առաջին համարը /16 էջով/:

Հատկապես ուզում եմ երախտագիտությունս հայտնել մեր բարեկամ Ա. Տեր-Մինասյանին՝ «Արգելակման ճառագայթում» ժողովածուի հրատարակումը հովանավորելու համար:

Սրտի խոսք ասացին հեղինակների գրչակից ընկերներ Սոնա Անտոնյանը, Հաբեթ Մուրադյանը, Շնորհիկ Շահինյանը, Ռոբերտ Եսայանը, Լուսինե Աղաջանյանը, Սամվել Մարգարյանը /«Շիրակ» թերթի խմբագիր/, Էթնոհոգեբան Կարինե Սահակյանը:

Գրական հանդիպման ընթացքում հնչեցին երաժշտական կատարումներ և ընթերցվեցին հեղինակների գործերից:

Շիրակ աշխարհի բանաստեղծության կարևոր առանձնահատկություններից մեկն էլ այն է, որ մտածողությունը սերնդային է: Գալիս է մի սերունդ՝ նախորդից բացարձակապես տարբեր, որոնում, գտնում է նախորդ սերնդի կողմից չտրորված տարածքները, ինքնահաստատվում է: Ապրում է այդ տարածքներում Աստու կանխորոշած իր ժամանակը:

Իր կարոտներով, երազներով ու նվիրումներով է ամբողջանում Հոգևոր Հայրենիքը, որի կողմն է ամեն մի բանաստեղծ: Միտվածություն դեպի հոգի, դեպի ներաշխարհ. ահա այն առանձնահատկությունը, որն առավել բնորոշ է Շիրակի բանաստեղծությանը:

Անդրանիկ ԿԱՐԱՊԵՏՅԱՆ

Նույն բանաստեղծական սերնդին պատկանելը ենթադրում է նաև նույն արժեքները կրել, նույն ոգեղենության էներգետիկ դաշտում գտնվել և բառի հանդեպ նույն ակնածանքը տածել, որ նկատելի է: Միգուցե հենց այս հանգամանքն է պատճառը, որ նույն սերնդի բանաստեղծներին ընթերցելիս վարպետորեն

քողարկված տողերի տակ հարց ու պատասխաններ ես նկատում, մեջլիս կա, որ երբեք պարտվող կողմ ու գրիչը մեկ ուրիշին հանձնելու ավարտը չունի: Ինձ համար Ռոզա Յովհաննիսյանը բառի հաշտարար է, ու նրա բանաստեղծությունները վավերացված հաշտության պայմանագրեր են հիշեցնում: Բանաստեղծուհու գործերում երբեք անհամարելի բառեր չկան, երկու բառի արանքում ոչ մի պատ ու պարիսպ, ոչ մի խորթություն չկա, երկու մտքերի արանքում սահմանները միշտ բաց են: Ռոզայի մոտ միայն կամուրջներ են, ուր ժամադրված են միմյանց անծանոթ բառեր, որտեղ, պոետական խոսքով, նրանք պակասում են, բայց ուղարկվում են տուն՝ մեկ բարձի ծերանալու: Մի ողջ գրական մտածողություն կառուցված է հենց այսպիսի ոգու ու մարմնի խաղի հաջորդականությամբ: Ցավի ամեն մի արտահայտություն ընդամենը մեկ տողի լինելություն ունի. բանաստեղծուհին կարծես ընթերցողի նուրբ սրտի համար խոսքով անգամ բեռ չլինելու անխախտ որոշում ունի, որն այնքան էութեմական հատկանիշ է... Առհասարակ Ռոզա Յովհաննիսյանի էությունն ընդգծված է իր պոեզիայում. նա կարող է ինչ-որ սկիզբ տալ պաթոսով՝ բառը կարծես նետելով դեպի երկինք, սակայն այնպես նետել, որ այն վերադառնա ու հոգին ավանդի հողում, հաջորդ գարնանը մեկ այլ բանաստեղծության մեջ ծիլ տալու շրջապատյուտի համաձայն: Օրինակ՝ գրում է «Երբ փլվի սիրուս աղավաատումը», բայց շարունակում՝ «Գեղեցիկ մեռնելու օյինս քեզ»... Շատ բանաստեղծներ են իրենց մահը պարպում ընթերցողի սրտում, իրենց սերն անպատասխան թողնողի հոգու վրա էլ ծանր մեղքի տապանաքար դնում, բայց Ռոզան ուրիշ է, նա «Երկրից դուրս կճախրի ամբողջի վայելքը շուրթերին, մեռնելու հառնելու օյինով մի աղջիկ»: Նա միշտ աղջիկ է՝ բառ-աղջիկ, բոցկեզ աղջիկ, ճախրող աղջիկ, տեղանքին անսովոր աղջիկ, փխրամած աղջիկ, աղջիկ պատահիլու ճայ, աղջիկ գիժխտը կրծքին և այլն: Ռոզա Յովհաննիսյանի և՛ բանավոր, և՛ գրավոր խոսքն այն-

«Նա, ով մնում է...» չի՞ լքում հոգին այս հայրենիքի...»: Ազատամարտիկ բանաստեղծը հայրենիքի ազատության աստղն է փնտրում ամեն հայի հոգում և գտնելով՝ այդ աստղից կաթած լույսով գրում է իր տողերը. «Տրվիր Ապրումին, // Ինչպես տաճարն է գիշերների մեջ // Իր սովերները տալիս աստղերին, որ փոխարենը երկնքից լսի // Դիպցան կարկաչ և անուշ մրմունջ»:

Գագիկ Սարոյան բանաստեղծը զգում է, թե ինչպես է մոռացվել երգը հասնում Աստծո ականջին: Կանչում է սիրուհուն, որ գա և այդ երգի մեջ փառավորվի: «Թող քո աչքերն էլ պապղան մոռնի հատիկների պես»,- շշուշում է հեռվից: Եվ ընթացելով, որ կանգնած է «Աստծո թևաբաց լուսանուտի տակ», երազում է, որ մոռացվել էր երգով գովերգեն իր սիրուհուն «պսպողոցի մեջ ես ցողաքափի»: Կինը Գ. Սարոյանի պոեզիայում ներկայանում է բազմազան կերպավորումներով: Կինը գեղեցիկի զգացողության առանցքն է, որին հավելում ու լրացնում են բնութայն մնացած բոլոր հրաշքները: Կինը իր բլուզի կոճակները քանդել էր // Անփութորեն, որ դիտման // Վավաշոտ քամիները // Չովություն բերեն նրա // Պտղակալած կղզիներից: // Իսկ կրծկալը // Ավելորդ անակամ էր (զուցեն մակդիր) // Մի անհիմաստ մշուշ // Իջած անհայտ ծովերի վրա...

Վարպետորեն արված ընդհանրացում է սա, որ ընթերցողին մղում է դեպի հետաքրքրության մոր դաշտ, ուր հեղինակային բա-

ցահայտումները գրավորեն հուզում են. «Փեշը քամին խառնեմ, // Փեշի տակից շողար // Ճերմակ ծունկը նրա // ծնկին նշան լինեմ // Կարմիր կակաչի պես մատանու ակ»: Քնարական հերոսը ապրում է սիրո իմաստի մեջ՝ կարևորելով անկեղծության լույսը, որ բխում է սիրելիի շարժումներից և բառերից անգամ: «Մի սիրտ գիտեմ երկնքի տակ, // Մազուր համբույր // Անորսալի կարոտի մեջ // Դադձոտ շուրթերը չհամբուրած, // Խայտացող ձուկ...»: Սիրո զգացողության մի նոր սահման է հատում հերոսը՝ արտահայտելով հիշողության դաշտում ծնվող պատկերով: Դժվար թե ինձ // Մոռացած լինես, // Մի գիշեր ես հեռված էի // Քո մարմնի արշալույսի բազրիքներին, // Դու այն ժամանակ // Դեռ շուշան էիր:

Դովվերգական քամիները բանաստեղծին տանում են ներշնչանքի անլուր ճանապարհով, որով պեպեններով աղջիկն է այցելում անձրևաբույր ծաղիկների ուղեկցությամբ: Սերն անսանձ է, ուժեղ այնքան, որ աղջկա պեպեններից կարող է բռնկվել կապույտ երկինքը, կանաչ դաշտը՝ վառվել...

Թե ուզում ես մնալ, մնա՛, բայց միշտ, // Վրանիս տակ, ճիշտ է, նեղ է, պատառ, // Պաղ է մի քիչ, // Սակայն հենց որ գրկեմ՝ կտաքանաս, // Ու թե հանկարծ սիրուց // Ես վրանը վառվի, // Չեմ վիստվի բնավ, // Քանզի տուն եմ շինում որձաքարով, // Շենհից մի քիչ հեռու, // Սակայն Աստծուն մոտիկ... Սիրո այս զգացողությունն

արտահայտելու համար բանաստեղծը գերադասում է հյուսել մի հեքիաթ, որն իր կենսունակ տարածության մեջ ընդգրկում է սիրո լույսի ողջ բովանդակությունը: Եվ այս հնարքը՝ որպես գրողի ոճի գործուն մաս, առանձնահատուկ է և իր գրավորությամբ՝ անմիջական:

«Անցումներ» շարքում հեղինակն ինքնազննումի նոր տարածություն է մտնում կողքից նայելով իր անցած ճանապարհին, կշռում է ապրած կյանքի էությունն ու նշանակությունը՝ հրաժեշտի հեռավորությունից: Այս ստեղծագործությունն ընկալվում է նաև որպես բանաստեղծի յուրօրինակ կտակ: «Կգա անցման պահը // Ես կսուզվեմ նրա // անկողնակալ խորքում // Որպես մեղեդու հունդ...»: Եվ կհայտնվի երեխան շարունակությունը Տոհմածառի, կգա՝ էջանիշը ձեռքին, որ կանգնի երկու աշխարհի միացման (կամ բաժանման) կետում որպես ապրող երագ: Ստեղծագործության հերոսը սթափվում է նոր տարածության տատանումներում ընթանելով, որ իր ունեցածը (կյանքը, հարազատները, գործը) նոր իմաստ է ստանում: «Կգա անցման պահը // Դեռվում կխշխշա // Չավակներիդ սերը, // Իսկ ավելի հեռվից // Ծողողների կզան // Գարնան դռների դեմ...»: Բնությունն անգամ ներկայացնում է իր չերևացող ու նոր խորքերով. «Անուշ շնկշնկոցից // Ծառը կթարտա // Ցամաք նետված ձկան աչքերի մեջ...»: Բայց դեռևս առջևում է ինքնահանդիպման և ինքնաճանաչման նոր Պա-

հը, որը պիտի դիմավորի բանաստեղծին հարցով. «Այսքան վիշտ ու խնդում // Վերապրելուց հետո // Դու կտեսնես հոգիդ, // Դու կտեսնես անոր: // Կճանաչե՞ս արդյոք...»: Հրաժեշտի հեռավորությունից բանաստեղծը կկատարի ևս մի բացահայտում՝ կզգա ժամանակը «Որպես թռչող ծաղիկ // Անդունդախոր բուրմունք...»:

«Անցումներ» շարքը Գագիկ Սարոյանի ստեղծագործությունների գլուխգործոցն է, գրված ոգեղեն լույսի հրայրքով: Իր ներաշխարհային հարուստ խորքով, մտքի ու զգացմունքի շիկացման տարածքով Ոգու այս համանվագը պոեմային շնչառություն ունի: Եզմարիտ է ասված. «Գագիկ Սարոյանի պատկերները քողարկված են, սակայն բացահայտման միտված: Այդ բացահայտման հաճույքը տրված է միայն ընթերցողին, քանզի յուրաքանչյուր ոք իր պատկերացումներով ինքնին մասնակցում է բանաստեղծության վերջնական կայացմանը»:

Որբերս ԵՍԱՅԱՆ

Երեք պոետ, երեք աշխարհ...

Մեծ ու փոքր աշխարհ՝ տեղատվություններով, փոթորիկներով՝ փակ ու բաց աշխարհներ: Բաց ու փակ, զգայուն, պինդ աշխարհներ, տարբեր ու գուցե նման, նման ինչո՞ւ, որովհետև նրանք քայլում են պոեզիայի մեծ ու անկրկնելի ճանապարհով,

ամեն մեկն իր ուղին բացած, յուրօրինակ հունով, կյանքի իմաստասիրությամբ և բառի իրեն հատուկ նշխարատուփով...

Ողջույնս պոետներին՝ Ռոզա Գովհաննիսյանին, Գագիկ Սարոյանին և խոնարհուն Միքայել ժամհարյանին:

Չրույցս շարունակում եմ Ռոզա Գովհաննիսյանի բանաստեղծության, նրա տեսակի եթե ոչ խորքին, ապա եզերքին դիպչելով:

Բառերի շրխկոցով, ապրումի խտությամբ, ինչպես կրակ կտրած ձի, գալիս է ևս՝ Բառ աղջիկը՝ ուժի սահմաններով: Ինչ-որ մեկը պետք է վերադառնա անվանակոչելու այս իրերը և ձեռք պարզելու ձևերին ճերմակած. թեև դիմազներ են սևի վրա, բայց թանձր ու թափանցիկ է սևը՝ դարձյալ բառերի անկայծունով, ապրումը գողունի և խորունկ թաքցրած գալիս է, գնում է, տանում է մինչև երանելի խորքեր՝ արձակ շռայլումներով մեղ դռնով ի վեր, մեղ դռնով... դեպի լայնահուն հիացումներ՝ փշին հաղթած, օտար վարդ չճանաչած փշին... Եվ որքան մեծանում է վարդը արարումի, նույնքան զգոն, վերծիզ են բառերը, նույնքան գայթակղող՝ ձգվելու, ելնելու, տանելու հույզերի ելարանով, կրքերի ելարանով բանաստեղծի փոքրիկ խրճիթը, որտեղ անպաճույճ է ապրումը: Միայն այսպես դիտում ես նրան:

Սոնա ԱՆՏՈՆՅԱՆ

Տերևի պես պաղ է շրթունքն աղջանուղջի, Ասուպների լուռ շքերթ է երկնքում բաց, Հիմա, հիմա կբոցկտա կիրքը հանգած, Ու գայրույթը լեռան կործից դուրս կփախչի:

Բացվող օրը խոլ վրեժի հանդերձներով Կըլտըլտա երակներում արյան հանգույն, Ել չենք հաշվի, թե արդյոք ե՞րբ այսքան թանկ ու էժան կյանքը եկավ-լցրեց տեղը սիրո:

Ու կգարթնի, կնուլեզնի ծանր քամին, Կգա՛, կավլի՛ երակների անտարբերը, Դատարկ տեղը կմխրճեն Ռիսն ու Սերը, Այն սանիտար, մեր սրտերը վաղո՛ւց-վաղո՛ւց լքած քամին...

Ես հետադարձ հասցե խնդրեցի թռչունից, Երբ ամբողջ մի օր Խոսել էի նրա հետ ազատության մասին Ու մտերմացել:

Նա մի պահ չհասկացավ ինձ: Երբ բացատրեցի, թե ինչ է հետադարձ հասցեն-Քահ-քահ ծիծաղեց և ասաց, Որ ամբողջ պարտեզն է իր տունը, Որ կողքի պարտեզը, կողքինի կողքինը և իրենն է, Որ ամբողջ աշխարհն է իրենը, Եվ իր թևերն են գծում Սահմաններն ազատության:

Հեռանալիս խղճահարված մի հայացք նետեց ինձ. Մի հայացք, Որի վրա գրված էր Ազատություն...

Դաշտերի մեջ սիրո ես պառկել եմ անձայն, Մեկ-մեկ վեր եմ թռչում Իմ իսկ սրտի դողից Ու աչքերս եմ հառում մութ երկնքին այնքան, Որ ծղոտն է պոկվում, Ընկնում Հարդազողից:

Մի թռչուն է ճանկում ծղոտն իր կտուցով Ու այնպես է հրճվում, Ասես աստղ է կտցել, Իմ ժպիտի փայլը՝ դաշտի աչքին մի ցող, Ծիածանի երգն է շրջագծել:

Հանկարծ նկատեցի՝ Ինչպես գետինը բարձրացավ ոտնաթաթերին, Որ մի կապույտ կուն անի երկնքից:

Հետո հասկացավ, Որ դա գրեթե անհնար է, Հուսահատված՝ Սարդեր արձակեց երկինք, Որ կապույտ իջեցնեն-Հազար ու մի սարդեր իր հինավուրց հիշողությունից:

Հետո ես վեր նայեցի ու զարմացա. Այնտեղ ոչ մի սարդոստայն չկար:

Իհարկե... Թռչունները չեն թողնում, Որ ինչ-որ մեկը Սարդոստայն գործի երկնքում:

Այս կողմերով Մարմնավաճառ է անցել երկրաչափական մարմինների, Ամենուր թափփված բուրգեր են, Գլաններ, գնդեր... Իսկ ես մահվանիցս հետո Չգիտեմ որտեղ տեղավորեմ հոգիս:

Գունդը, սովորության համաձայն, Թեթև քամուց կզլորվի, Կիջնի ամենացածր տարածքները-Մինչդեռ թևավոր հոգիս երկինք է երազում: Պրիզման մի տեսակ ճամպուրկ է հիշեցնում՝ Խորհրդանիշը ճամպորդության-Իսկ ես ուզում եմ պահել հոգիս այս կողմերում, Որքան հնարավոր է:

«Բո՛ւրզը... բո՛ւրզը...»,- հանկարծ լսեցի ժամանակի խռպոտ շնչառության միջից: Իհարկե, բո՛ւրզը,- ուրախացած բացականչեցի ես Եվ վերցնելով ամենամեծ բուրզը, Տեղավորեցի հոգիս այնտեղ:

Իսկ հայացքս չոքեց ու քարացավ նրա դիմաց...

Ճակատագիրը մոտենում է հետևից՝ Ոտնաթաթերի վրա-Տեսնես ի՞նչ ունի ասելու, Որ վախենում է ուղիղ նայել աչքերիդ մեջ:

Ճակատագիրն արագ է շնչում... Ճակատագիրն շտապում է: Այն ակնապիշ նայում է ծոճրակիդ՝ Նշանառուի պես:

Դու ավելի ես արագացնում քայլերդ, Բայց կարմիր կետը հետզհետե մգանում է, Հետզհետե ավելի լսելի է դառնում շնչառությունը:

Հետո՝ մինչ սայթաքելը, Մի բան է պոկվում ճակատիցդ, Ընկնում գետնին՝ Երկու թվերի և նրանց միջև գծիկի տեսքով...

Ձեփյուռն է այս կողմերն ինձ բերել (Հարցրու գեփյուռին՝ նա կասի...), Ես գիտեմ՝ Այստեղի լեզուն է հավբերեն, Ջուրը՝ պաղ, և օդն է անբասիր:

Խոնջացած լուսինն է երբ իջնում, Երբ այգը բացում է աչքը թաց, Շշուշով Լույսերի ծվեններն են խոսում, Ու սերերն՝ ամենուր թաքնված:

Սիրում եմ այդ պահի տևելը (Չգիտեմ՝ որքան եմ արժանի...), Բայց երբ լույսն է փռում Կարապի թևերը, Իմ սիրտը երգում է այդ ժամին...

Հիշողության ծառից թափվող տերևները Կնիքների նման մեխվում են թաց գետնին, Ծամածովող օրը ասես երագ է հին (Աշուն է, խեղդ-աշուն)...

Հավատի արևը նվաղում է կամաց, Չարկերակը հույսի սկսում է մնջել, Պաղ քամին է բերում բառերի սև փնջեր...

Պաղ քամին է գալիս-անցնում հոգուս միջով Եվ ոտնակոխ անում կրունկներով իր սուր, Այս ի՞նչ երգ է հնչում այսքան օտար ու չոր, Եվ ո՞ւմ ունկն է ծեծում այսպես իզուր...

Անձրևող ծառի տրեկներն են խշշում-Աշուն է, խեղդ-աշուն...



ՄՆՂՈՄՆԻԿ ԿԱՐԱՊԵՏՅԱՆ

Վերցրու: Լռության վրայից քարը վերցրու-Թող զգամ տարածության շնչառությունը: Թող ասեմ թղթից պատրաստված ճշմարտության մասին, Ու ծայնս արձագանքվի Յոթ գոնջի կաշիներով ծածկված ականջներում:

Վերցրու՝ քարը լռությանս վրայից, Որ ասեմ, Եվ խոսքիս նշտարը հեռացնի Ուռուցքն անտարբերության: Օրեցօր ավելի աճող ուռուցքն անտարբերության:

Բարձրաձայնեմ, Եվ խոսքս պոկի Հայելիները փակող շիրմաները Եվ այս դատարկը... Այս դատարկը, որ անընդհատ լցվում է ոտքերիս տակ...

Այս անդունդը...



ԿՅՄՆԷ՝ ՄՆՃՄՆԱԶԵԼԻ ՄԿՆԹ-ԱՐԹԸ

Ես ճանաչում եմ անհիշելի ժամանակների հիշողությունը, սակայն չունեմ բառեր:

Մ. Դերանց

Առանձնահատուկ նրբանկատությամբ Դերանցը կարողանում է քննել երևույթների նաև հոգեբանական խորքը և նույն պահին էլ ստանում պատասխանը սեփական, բայց առաջին հերթին, մեծ հաշվով, կանացի հարցերի՝ ճակատագրորեն թե գեներտիկ հիշողությամբ, կնոջական երջանկությանն առնչվող բազում հարցեր, որոնք ակունքում գուցե միայն նույն կանացի ներքին աչքն ու մտածելակերպը, հոգեբանությունն ու երևույթները այլ դիտակետից գնահատելու՝ միակ պատճառն ունեն: Ինչո՞ւ են կանայք այսպիսին, և ինչո՞ւ են տղամարդիկ այսպիսին:

Այր-կին հարաբերությունների ամբողջ գունապնակը՝ ցավից մինչև ցավ տոհմական անեծքով արդարացված: Ինչպե՞ս կարող է վերուստ տրված տաղանդն ու շնորհը այդպես դուրսից ու խոնարհ ենթարկվել մարդկային, այս պարագայում՝ տղամարդկային թուլություններին, իսկ հերոսի ինքնարդարացում-պատասխանների դեպքում՝ գուցե հակառակը՝ աղանդորդու մարդկային թուլությունը նահանջում է՝ «տեղը զիջելով ստեղծագործելու հափշտակությանը», այն դեպքում, երբ ժողովածուի մեկ այլ հերոսի համար մարդկային թուլությունն ամեն ինչից ուժեղ է գտնվում: Փորփրելով սեփական ներսը՝ հերոսուհին բացահայտում է կանացի ես-ն ամբողջության մեջ՝ կնոջական բազում ճակատագրեր ենթարկելով արդեն գտնված օրինաչափությանը:

Մեկ այլ դեպքում «կյանքի հատակում հայտնված» «երջանիկ» մարդու ապրումներն են կրկին հոգեբանական նրբագծումներով, արձակագրի հայ գրչին բնորոշ նաև խոսուն հավելումներով. «Կուզեի, որ պատմությունս վերջանար հայկական հեքիաթի պես. տղան, հացթուխի կինը, ծավե

աչքերով աղջիկը հասան իրենց մուրազին, և երկնքից երեք խնձոր ընկավ, բայց...»: Իսկ «աստեղային ժամը» ամբողջ կյանքում, անգամ իրեն անհայտ՝ գեներտիկ հիշողությամբ՝ թե՛ նյութապես, թե՛ հոգեպես աղքատությունն ընդգծվում է ամենուր. սեփական ընտանիքում արհամարհված իրեն շոյված է զգում թեկուզ իր ձերբակալումը դիտողների անմեկնելի հետաքրքրությունից: Սա ևս տեսակի հոգեբանություն է, որ ուրույն տեղ է գրավում հեղինակի՝ մարդկային ճակատագրերի ընդգրկում բացահայտումներում: «Նա ապրում էր կոտրելով բարակ այն անջրպետը, որը իրականությունն է բաժանում ցնորքների աշխարհից: Տեսիլքներում հայրը կենդանի էր մշտապես»:

Մի ամբողջ մեկ այլ տեսակ՝ մշտապես՝ անկախ վերջինիս գոյության հանգամանքից, հոր հանդեպ սիրով նարնջագույն հեքիաթում ապրող, երբ «Իրականությունն չկա: Իրականությունն աներևույթի մեջ է»: Այստեղից սկսած կամ այստեղ հասնելով՝ ևս մեկ քայլ, և կործանում կարմիր հրաժեշտով արևի՝ գեղարվեստորեն ընդգրկում պատկեր՝ լի բազում անպատասխան մնացած հարցերով:

Անկախ ազգային պատկանելությունից, դավաճանքից, սեռից, հատակում թե բարձունքին՝ տաղանդի բարձրակետին հայտնված մարդիկ են ժողովածուի հերոսները՝ յուրաքանչյուրն իր ապրումներով, կյանքի նկատմամբ ունեցած հայացքով և կյանքից ստացած վերաբերմունքով: «Քրտնածուկ»՝ հոգու և մարմնի մաքրման հնդկական ծես՝ գուցե խորք ընթերցողի մտածելակերպին: Մի դեպքում գրողն ինքն է բացահայտում կանացի հոգեբանական գծերը, մեկ այլ դեպքում՝ նրա հերոսը՝ այս պարագայում բժիշկը՝ անազատության պայմաններում հայտնվածների ներաշխարհը բացահայտելու փորձով. «Օ», մարդկային սիրտ, ջրեղանակը սերն է ու ընթրության վայելքը: Այնինչ մեղքը հայտնվում է այնտեղ, ուր իղձերն են բանտարկյալ...»: Եվ «Մի՞թե սա կարող է լինել մարդու կյանքը: Մի քանի բառ, որ շարտում են հետմահու: Իբրև վերջին վկայություն»:

Եվս մեկ ճակատագիր, այս անգամ համաձայն բնության տարօրինակ մի երևույթի՝ երբ

ակվարիումում ձկները սթրեսից փոխում են ոչ միայն գույնը, այլև սեռը: Ընդամենը մեկ տողով արդեն ամեն ինչ ասված է, երբ մանավանդ գաղութն էլ ակվարիումային կյանք է հիշեցնում: Շնչառության մեկ ամբողջական փուլի արդյունքում՝ ներշնչանքում զուգահեռ հարթություններում՝ բժիշկ-բուժքույր-բանտարկյալ՝ արդեն միմյանց հյուսված ճակատագրական մի բան է ներդրվում, որ հաջորդիվ խոր արտաշնչումով դուրս է մղվում ներքին մի ծկլթոցով՝ այս անգամ արդեն առանձին-առանձին բժիշկը, բանտարկյալը, բուժքույրը՝ յուրաքանչյուրը մենակ մնալով իր ապրումների, զգացումների, ի վերջո, իրենց ներսով սնվող հրեշտակների ու դևերի հետ:

Չեղինակն առանձին կարևորությամբ է շեշտում իր հերոսների, բնականաբար, իրական կյանքում նաև, կապը ժառանգականության հետ՝ լինի դա աղքատության ու հարստության, երջանկության ու դժբախտության՝ անեծքի հետ կապված, այն է՝ «թափ տալ»՝ գերդաստանի տոհմածառը՝ գտնելու հարցերի փնտրվող պատասխանները: Ժառանգական է անգամ Մեծ ցավի հիշողությունը: Արյան ձայն հետադարձ կապի ուժով:

Ի վերջո, ամբողջ ժողովածուում խստորեն ընդգծված ժառանգականության գործոնն իր լրումին է հասնում «Ջրահարսի անեծքը» էսսեում՝ կյանքի անճանաչելի ու անվերածանելի առեղծվածների իրական նկարագրությամբ. «Ես ճանաչում եմ անհիշելի ժամանակների հիշողությունը, սակայն չունեմ բառեր...»:

Երբեմն խոսուն լռությամբ, երբեմն նրբին հունորով գրողը խոսքը հասցնում է գազաթնակետին: «Գլեճեղեյան բակում» միայն մեկ բնակիչ է խուսափել սարսափելի միջատների ընկերակցությունից, ինչո՞ւ, մաքրակենցաղ է: Գուցե: Անսպասելի լուծումներով, հարաբերականության ինչ-որ դեռևս չհայտնաբերված սետուրան համաձայն՝ միջատները հեռու են փախչում... Երջանիկներից, թեկուզ մի՛ ակնթաթ երջանիկներից. «...դա կնոջ հագուրդի ճիչն էր, որից սարսափահար փայտոջիվները վախից կուչ եկան պատերին, իստո խուճապահար փախուստի դիմեցին դեպի հարևան բնակարանները և այլևս չվերադարձան այնտեղ»:

Պատահականությամբ թե օրինաչափորեն սկիզբ է դրվում «Նահատակված հրեշտակը» նկարի և նրա հերոսների՝ ճակատագրորեն ինքնահատուկ մի քանի հանդիպումների՝ ցուցահանելու նրանց կյանքն ու երջանկությունը՝ բազմադեմ ու խայտաբղետ: Դերանցի հերոսներից մեկը մտորում է. «Մարդը «Կարմիր գիրքն» է ստեղծել, որ պահպանվեն և խապառ չվերանան կենդանիներ, ինչ-որ թռչուններ, որ թերևս անհայտ են ջուռվալիներում: Ապա ի՞նչ կարող ենք ասել մարդու՝ վերացող տեսակի մասին»:

Կրկին կամայք ու ճակատագրեր: «Եվան կին էր այլ ճակատագրով», բայց մյուս կողմից էլ՝ «Աշխարհի ամենամեծ տխրությունն է, երբ կինն ուժեղ է դառնում»:

Մեկ այլ գործում՝ ապուրի գոլորշիների համարյա մոտիկ առկայություն, և համարյա երազանքին հասած երջանիկ կին, ինչ-ին մղում է առաջին հերթին գրողի հավաքում: Իսկ գրքում բոլոր հերոսներն ամփոփ լինում են հեղինակի ձեռամբ: Եվ ինչպե՞ս է դողում գրողը յուրաքանչյուր կյանքի ու ճակատագրի համար:

«Ես լաց եմ լինում իմ կորցրած ներդաշնակության համար». անչափ անսպասելի ու միևնույն ժամանակ այնքան մարդկային երկու պատկեր է ներկայացնում գրողը՝ երկու տարբեր գործերում, որոնք տրամաբանորեն շարունակում են միմյանց՝ «Միայնակ գունարեկները» և «Քառակուսի մենակություն»՝ զուտ մաթեմատիկական բանաձևով, իսկ ապա՝ կյանքի բանաձևը՝ «Կին, երբեք մի թույլ տուր, որ մարդը ավերի թո մեջ այն, ինչ երկուսն էլ կառուցել...»:

Ժողովածուն ամբողջական համակարգում ներկայացնում է մի կողմից՝ կանացի նույնական ու տարբեր ճակատագրեր, մյուս կողմից՝ կյանքի հատակում ապրող մարդն է միայն իրեն հատուկ երջանկություններով ու դժբախտություններով, իսկ համապարփակ ընկալումներում առաջ են բաշխվում արդիական հարցեր՝ բոլորը մարդկային և ապրված, բոլորը ընկալելի և գեղարվեստորեն ներդաշնակ:

Կարինե ՄԱՐՏԻՐՈՍՅԱՆ Բան. գիտ. թեկնածու, դոցենտ

ԲՆԱԿՎՈՒՄ Ե ԱՄԵՐԻԿԱՅՈՒՄ, ԲԱՅՑ ՄՊՐՈՒՄ Ե ՀԱՅԱՍՏԱՆՈՒՄ

Գյումրի քաղաքի օրը՝ սեպտեմբերի 18-ին, Շիրակի մարզային գրադարանում տեղի ունեցավ հանդիպում ծնունդով ստեփանակերտցի, բայց Ամերիկայում ապրող արձակագիր, մշակութային գործիչ, Հայաստանի և Արցախի գրողների միության անդամ ՄԱՐԳԱՐԻՏ ԴԵՐԱՆՑԻ հետ:

Չեղինակը մինչև հանդիպումը եղավ ստեղծարար քաղաքի Սբ Յոթվերջ ու Սբ Աննափրկիչ եկեղեցիներում, հուզիչ տպավորությամբ շրջեց Վարպետաց փողոցում, այցելեց Հոփի. Շիրազի տուն-թանգարան, ապա՝ Արված փողոցում գտնվող Մարիամ և Երանուհի Ասլամազյան քույրերի պատկերասրահ:

Գրական հանդիպման ընթացքում ծավալվեց երկխոսություն շիրակցի գրողների և նրա միջև: Գրչընկերներն անդրադարձան հեղինակի տարբեր ստեղծագործություններին՝ նշելով նրա արձակի ու հերոսների կերպավորման հնարների առանձնահատկությունները:

Մարգարիտ Դերանցը սիրով պատասխանեց ներկաների հարցերին՝ խոսելով նաև իր ստեղծագործական մտահղացքի մասին, ապա ՀԳՄ մարզային բաժանմունքին ու գրադարանին հանձնեց իր գրքերից:

Ընթերցողներին ենք ներկայացնում Կարինե Մարտիրոսյանի գրականագիտական վերլուծությունը Մարգարիտ Դերանցի «Քրտնածուկը» ժողովածուի մասին:



ՄԱՇԻ «ԽԵԼԱԿՈՐՈՒՅԱ ԱՇԽԱՐԻՉ» ԳՅՈՒՄՐԻՈՒՄ

Սեպտեմբերի 30-ին Գյումրու «Բեռլին» հյուրերի տանը տեղի ունեցավ բանաստեղծուհի Սաշի

2-րդ՝ «Խելակորույս աշխարհ» գրքի շնորհանդեսը՝ մասնակցությամբ գրքի խմբագիր, գրականագետ, բան. գիտ. թեկն. Արմեն Ավանեսյանի, բանաստեղծ Խաչիկ Մանուկյանի, մի խումբ գրասերների՝ Շիրակի մարզային ու Գյումրու քաղաքային գրադարանների աշխատակիցների և ուսանողների:

Ուշագրավ ձևաչափով անցկացվեց հանդիպումը, որը գեղարվեստական կատարումներով ծաղկեցրին Երևանի կամերային թատրոնի դերասանուհի Քեթրին Մանասյանը և երգահան, կիթառահար լեդի Մարգոն: Նրանց կատարումները Սաշի բանաստեղծական արվեստի նոր և հետաքրքիր մեկնաբանություններ էին:

Գրքի խմբագիրը հանգամանորեն անդրադարձավ Սաշի գեղարվեստական աշխարհի առանձնահատկություններին՝ ընդգծելով. «...գրքի բանաստեղծություններին ցավեցի, որ Սաշը բանարվեստի գեղարվեստական իրագործմանը և

են արվեստի, պոեզիայի, պատմության ու մարդու, բանաստեղծի ճակատագրի և ստեղծագործական հոգեվիճակի նորանոր շերտեր, իսկ մի նախադասությամբ Սաշի պոեզիան կարելի է բնութագրել այսպես՝ վեհ և իմաստուն խոսքեր մարդու և աշխարհի մասին»:

Բանաստեղծ Խ. Մանուկյանն ըստ էության խոսեց Սաշի պոետիկայի մասին. «Կյանքը բանաստեղծելիս Սաշը նույն անկեղծ է՝ թրթռում, արևոտ: Նա չի շրջանցել իր ժամանակը, և նրա բանաստեղծություններին բնորոշ են խաղաղությունն ո՞՞ն ու զվարթանքը»:

ՀԳՄ Շիրակի մարզային բաժանմունքի նախագահ, բանաստեղծ Անդրանիկ Կարապետյանը խոսեց բանաստեղծուհու ստեղծագործական աճի, նրա բանաստեղծությունների երաժշտականության և հեղինակի քաղաքացիական դիրքորոշման մասին:

Ռոզա Գուհարյանը ավարտին որ Սաշը բանարվեստի գեղարվեստական իրագործմանը և

պատկերավորությամբ զարմանալիորեն հասել է արտահայտչական-պատկերավորման հնարների նվազագույն կիրառմամբ: Նրա հերոսը հեքիաթի հյուսվածքի մեջ է, ու իր հեքիաթում, ինչպես ինքն է ասում, հաղթել են պոետն ու գիճին:

Բանաստեղծուհի Սոնա Անտոնյանը նշեց. «Սաշի «Խելակորույս աշխարհը» սև-սպիտակ աշխարհ է, որտեղ բոլորս ունենք մեր սիրտ ժամանակը: Եթե խելակորույս է աշխարհը, ապա՝ սերն էլ, կարոտն էլ սպասումն էլ, բայց այդ խելակորույսը ես կվերագրեի մեր ապրած ժամանակին»:


Սրտի խոսք ասացին գրողներ Արմենուհի Մխիթարյանը և Մնացական Մուրադյանը, իսկ երիտասարդ բանաստեղծ, թարգմանիչ Կոնստանտին Շաքարյանը ռուսերեն թարգմանությամբ Սաշից կարդաց 2 գործ՝ անակնկալ մատուցելով հեղինակին:

Չեղինակյան ավարտին երաժշտական կատարմամբ ներկաներին ողջունեց երիտասարդ



բանաստեղծ, երգահան Նարեկը: Սաշը շնորհակալական ջերմիկ խոսքով և բանաստեղծությունների ընթերցմամբ ամփոփեց օրը՝ վկայելով, որ անկախ գնահատանքի բոլոր չափումներից իր ոգեխառնիստը եղել է մնում է կյանքի երգը:

Ռոզա ԳՈՎՀԱՆՆԻՍՅԱՆ



«ԼՈՒՅՍ ԱՄԵՆԱՆԵՐ» գիրքը բանաստեղծուհի, արձակագիր, հեքիաթասաց Հրանուշի (Հրանուշ Սուքիսյանի) երկրորդ գիրքն է նվիրված Արցախյան հերոսամարտերին՝ Ապրիլյանին և վերջին 44-օրյա պատերազմին մասնակցած, հերոսացած զինվորների ու զինվորականների հիշատակին:

Հրանուշի բանաստեղծական, զգայուն սիրտը բաբախում է Հայրենիքի հետ կապված բոլոր իրադարձությունների ռիթմով: Հերոսների կյանքին ու սխրամքներին նվիրված այս փոքրիկ պատմություններով հեղինակը նպատակ ունի անմահացնելու այն հազարավորներից մի քանիսին զո-

նե, որ առանց վարանելու իրենց կյանքը տվեցին հանուն Հայրենիքի:

Պետք է նշեն, որ եթե Հրանուշը գամված չլիներ հաշմանդամի սայլակին, անպայման անձամբ կմասնակցեր պատերազմներին, քանի որ հրաշալի հրաձիգ-նշանառու է, նաև քրոջ ու մոր պես կխնամեր մեր զինվորներին, կհերոսանար:

Տեսնելով բանաստեղծուհու կատարած աշխատանքի դժվարություններն ու ինքնամոռացումը՝ վստահաբար կարելի է ասել, որ նա հասնում է իր նպատակին, և սա էլ յուրօրինակ սխրամք է:

Մեր հատկապես այս վերջին պատերազմը հարյուրավոր լե-

գեմներ ունի: Հիշենք թեկուզ այն վեց տղաներին, որ պատերազմի ավարտից հետո պատսպարվել էին իրենք էլ չհիմանալով, թե որտեղ, վաթսույն օր անց փրկվել էին Աստվածային հրաշքի և իրենց կամքի ուժով: Այս գրքում ամփոփված բոլոր հերոսները բացառիկ ծնունդներ են: Նրանցից յուրաքանչյուրը արտասովոր է իր նկարագրով, իր ընդունակություններով, շնորհներով, իր կարճ կյանքի ընթացքում լուսավոր հետք թողնելու արժանավորությամբ:

Հեղինակը կարողացել է հերոսներին ներկայացնել ճշմարտությանը հավատարիմ մնալով, նրանց կյանքի լավագույն պահե-

րի, ոգևորությունների, թռիչքների պատմությամբ:

Ընթերցողը ամեն մի հերոսի համար մեծ ակսոսանք զգալու հետ մեկտեղ հպարտության ու հայրենասիրության նոր զգացումներով է լցվում: Նրանցից յուրաքանչյուրը արդեն իսկ նվիրական անուն է մեր ողջ ազգի համար, ունի իր գույնը, զարմացնելու ուրույն հատկությունը, սիրելի է եղել և հիմա էլ սիրելի է իր միջավայրին, սիրելի է դառնում նաև բոլոր նրանց, ովքեր կարդում են այս գիրքը:

Ալիս ՀՈՎՀԱՆՆԻՍՅԱՆ
Գրող, հրապարակախոս

ԳՅՈՒՄՐՈՒՒ՝ Ս. ՄԵՐԿՈՒՐՈՎԻ ԱՆՎԱՆՆԻՆԻՆԻ ՆԿԱՐԶԱԿԱՆ ԴՊՐՈՑԸ

Փոքր ժամանակ մոտ 96-97- թվականներին, երբ ծնողներիս հետ գրեթե ամբողջովս հեռացաք այն «Գորկա» կոչվող գյուղատեղում, միշտ նկատում էի նկարակալերով ու թղթերով ինձանից ավելի մեծահասակ երեխաների, որոնք բացօթյա պայմաններում նկարում էին: Հետաքրքրությամբ մտտեմուն, զննում ու հիանում էի նրանց նկարներով: Ինձ պատմում էին, որ նկարչական դպրոցից են ու ետյուղներ են անում: Գիշտ է, ինքնուրույն շատ էի նկարում, բայց միշտ հոգուս խորքում երազել են լինել նրանցից մեկը: Ինձ բախտ չվիճակվեց դառնալ մերկուրովի աշակերտ, բայց տարիներ հետո պատիվ ունեցա հաղորդակցվել մերկուրովիների հետ:

Դպրոցի շենքից ներս մտնելով՝ հասկանում եմ, որ դարձել եմ հարյուրամյա պատմություն ունեցող կառույցի մի մասնիկ: Եվ ամեն անգամ, երբ Գյումրիում գրուցում եմ արվեստի ու արվեստագետների մասին, անհնար է չանդրադառնալ Գյումրու նկարչական դպրոցի մասին: Քիչ մարդ կա քաղաքում, որ գոնե մեկ անգամ չի լսել կամ առնչվել դպրոցին... Գրեթե բոլոր անցած-գնացած արվեստային իրադարձությունները, նկարիչների հուշերը կապված են այդ դպրոցի հետ:

Արդեն մեկ դար է, ինչ Ա.Գ. Մերկուրովի անվան նկարչական դպրոցը դարձել է Լեւոնիան-Գյումրու արդի նկարչության նախնական օրրան: Դպրոցը քաղաքում զարգացրել է առանձնահատուկ ձևաոճային մտածողություն: Հիմնադրվել է 1921 թ. որպես նկարչական ստուդիա: 1936թ.-ից վերածվել է քառամյա դպրոցի: Ստուդիայի հիմնադիրներից է եղել 20-րդ դարի հայ գեղանկարիչ, գրաֆիկ Գևորգ Բրուսյանը: Հետաքրքիր է հիմնադրվել է Ալեքսանդրապոլում, կայացել Լեւոնիանում և շարունակում է զարգանալ Գյումրիում:

Հարկ է նշել, որ տարածաշր-

ջանում որպես Գեղարվեստի պետական դպրոց եղել է միակը: «Նկարչական դպրոցը մեծ վարկանիշ ուներ, թեև ընդունվելը բարդ էր, իսկ դպրոցը՝ վճարովի»,- պատմում է արվեստագետ Գագիկ Մանուկյանը:

Սկզբնական շրջանում դպրոցը տեղակայված է եղել Սբ Նշան եկեղեցու մոտ գտնվող տան առաջին հարկում, այնուհետև տեղափոխվել է «Դալտոպլան» կոչվող դպրոցի տարածք: 40-ականներին զբաղեցրել է նախկին գինեագիտի շենքի մի մասը: Հայերից բացի՝ դպրոցում դասավանդել են նաև ռուս նկարիչներ: Նրանցից մեկը Յուլիա Վերթեբկայա էր, որի անունը սերտորեն կապված է Մարիամ և Երանուհի Ասլամազյան քույրերի հետ:

Մարիամի ու Երանուհու նկարչական տաղանդն ի հայտ եկավ դպրոցական տարիքից: Ալեքսանդրապոլում նկարչական ստուդիա բացվելուն պես քույրերն անմիջապես ընդունվել են այնտեղ ուսուցանելու: Նկարչության ուսուցիչները, այդ թվում՝ Վերթեբկայան, առաջիններից էր, որ նկատեց քույրերի շնորհը:

Ավելի ուշ տեղափոխվել է Մանկավարժական ինստիտուտի տարածք: «Ինստիտուտի շենքում դասարանները միջանցիկ էին դռներով, երբ որ ցուցահանդես էր լինում, դռները բացվում էին, ու կար մեծ սրահ, որտեղ էկրան էր կպած, ամեն շաբաթ նկարիչների մասին ֆիլմեր էին ցուցադրվում Սուրիկովի, Վասնեցովի, Ռեպինի մասին, սլայդներ էին ցուցադրում, կամ Կինո «Հոկտեմբեր» էին տանում: Ավանդույթ էր ու դասավանդման մեթոդիկա: Հիշում եմ նկարչականի մեր ուսուցչուհուն՝ ռուս նկարչուհի Մոլկան էր, շատ հետաքրքիր և խիստ կին էր: Ինձ դաս չի տվել, բայց շատ լավ հիշում եմ»,- սիրով պատմում է Գյումրու գեղագիտության ազգային կենտրոնի տնօրեն Սուսաննա Մկրտչյանը:

Որոշ ժամանակ էլ տեղակայ-

ված է եղել Գյումրիում հայտնի մեծահարուստ Դրամիյաններին պատկանող շահութաբեր տանը, որը երկրաշարժից հետո դարձել էր կիսավեր: Չնայած արհավիրքին՝ գյումրեցի արվեստագետները ոչ միայն չեն լքել քաղաքը, այլ նաև երեխաներին շարունակել են արվեստ սովորեցնել: Դպրոցը ոչ մի օր պարապուրդի չի մատնվել նաև դժվար տարիներին: Անգամ կիսավեր շենքային պայմաններում երեխաները մեծ հաճույքով են հաճախել նկարչական: «Շենքը հին էր, վթարային, բայց չէր խանգարում, որ սիրով հաճախեինք: Պատերին կպած, փոքր-ինչ վախենալով՝ գնում էինք կրթվելու: Դպրոցն ուներ ջեռուցման խնդիր, բայց դա էլ չէր խանգարում, քանի որ ուսուցիչները ջերմ էին, միջավայրը՝ տրամադրող, աշակերտները՝ ձգտող»,- հիշում է նախկին շրջանավարտ, երիտասարդ արվեստագետ Գոհար Սաֆարյանը:

1989թ.-ից դասապրոցեսն անցկացվել է այգում տեղադրված ժամանակավոր տնակում: Գագիկ Մանուկյանը վկայում է երկրաշարժից հետո տնօրենը Լաճիկյան Սամվելին էր, որն այգու մեջ դոմիկային դպրոց կազմակերպեց:

«Շնորհալի աշակերտներ շատ եմ ունեցել: Շատերը Երևան են ընդունվել, ու առանց կրկնուսույցի մոտ պարապելու, միանգամից ընդունվել են ինստիտուտ: Հիշում եմ մի երեխա կար, որ անգամ երկեր ու վրձիններ չուներ: Վրձնի պոչը սրել էր ու սրած պոչով մեծակ սևով էնպիսի էտյուդներ էր անում, որ կարելի էր միանգամից որպես գրաֆիկական աշխատանք ներկայացնել ցուցահանդես: Երկրաշարժի տարիներին եղել է, որ ջուր չկար, և ձյուն ենք բերել հալեցրել, ջուր սարքել, որ կարողանայինք նկարել»,- հավելում է արվեստագետ Ազունիկ Բերդիկյանը:

Դպրոցի հաջողություններում իր վաստակն ունի երեսուն տարի (1945-1977թ.թ.) դպրոցն



անընդմեջ ղեկավարած Շանթ Սարգսյանը:

1977-1987 թվականներին նկարչական դպրոցի տնօրեն է նշանակվում Սերգեյ Միրզոյանը: Դասավանդվող առարկաներից եղել են գծանկարչությունը, գունանկարչությունը, քանդակը, դեկորատիվ կիրառական արվեստը, գրեթե չեն, կոմպոզիցիան: Ամենից Մամվելյանը դպրոցում հիմնեց գրեթե մի դասարան:

Միրզոյանի դասարանում սովորել, այնուհետև դպրոցում դասավանդել է արվեստագետ Գագիկ Մանուկյանը: «Երկար տարիներ քանդակի դասարան չկար: Փոխտնօրեն լինելուս ժամանակ բացեցինք քանդակի դասարան: Աշխատում էինք այգու տնակային դպրոցում, և նոր էինք թոթափել երկրաշարժի արհավիրքը: Շատ լավ մթնոլորտ է եղել դպրոցում, էտյուդների էինք գնում, չնայած չհասանք բնորդ նկարելու: Ցուցահանդես-վաճառք կազմակերպեցինք ԱՄՆ-ում՝ տնակներում ապրող երեխաներին աջակցելու համար: Հետո տնօրեն եկավ Հովհաննես Գասպարյանը (Ծիբոն)»: Գասպարյանը, բացի հետաքրքիր նկարիչ

լինելուց, միշտ աչքի է ընկել իր հումորով:

Ներկայումս դպրոցը տեղակայված է Ջիվանու 78 հասցեում գտնվող, նախկին Հ. Թումանյանի անվան գրադարանի շենքում: Տնօրենը երիտասարդ արվեստագետ Ժակլին Սարգսյանն արդեն տևական ժամանակ է, ինչ աշխատում է բարելավել շենքային պայմանները, ընդլայնել թե՛ տարածքը, թե՛ բարելավել կրթական պայմանները: Ավանդականին արդեն զուգահեռվում են ժամանակակից միտումները:

«Երբ մտնում եմ նկարչական, լրիվ ուրիշ աշխարհ է, ամեն անկյունը արվեստային է, թեյնիկը, որ կախած է առաստաղից, գզալները՝ փակցված դռանը, մի խոսքով՝ ամեն անկյուն: Այնտեղ ունեցա ուսուցիչներ, որոնք ընկերոջից չեն տարբերվում, ազատ ենք զգում մեզ, ինչպես մեր տանը»,- անկեղծանում է ներկայիս մերկուրովի Վոլոդյա Քոչարյանը:

Հ.Գ. Դպրոցի մասին կարելի է խոսել էջերով, պատմությունները շատ են, հիշողությունները բյուր, սակայն անհնար է հիշատակել բոլորին անհատապես:

Գայանե ՊԱՊԻԿՅԱՆ

Հրատարակված է ՀՀ ԿԳՄՍ նախարարության աջակցությամբ:

Լրատվական գործունեությունն իրականացնող Հայաստանի գրողների միության Շիրակի մարզային մասնաճյուղ:
Հասցեն՝ Շիրակի մարզ, Գյումրի, Գորկու 62
Վկայական N 01Բ 001543

տրված է 21.03.2005թ. հեռ. (094) 53 44 64
Խմբագրական խորհուրդ
Գլխավոր խմբագիր՝ Ռոզա Հովհաննիսյան

Համակարգչային ձևավորումը՝ «Էլտորադո Պրինտ» ՍՊԸ
Տպագրված է «Ռուբիկ Ղարիբյան» Ա/Չ տպագրատանը
Տպաքանակը՝ 500
Ծավալը՝ 1 տպագրական մանուկ